



## Organización

[Organigramas](#)  
[SS.SS. Estructura e funcións](#)  
[Proceso de intervención](#)  
[Recursos técnicos](#)  
[Ética profesional](#)  
[Protección de datos](#)

# A protección de datos

O dereito á protección de datos persoais é un dereito fundamental de tódalas persoas que supón a potestade de control sobre o uso e tratamento que dos datos persoais realice tanto o sector público como privado. Este control impedirá que, a través deste uso, se poida chegar a dispoñer de información sobre as persoas que afecte á súa intimidade e demais dereitos fundamentais e liberdades públicas.

A información que se publica nesta páxina non é vinculante, senon que é un resumen dos aspectos máis salientables. Para maior detalle deberase ter en consideración a lexislación aplicable.

## Normativa

### Europea

Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (**Regulamento xeral de protección de datos**) | Corrección de erros DOUE-L-2018-80845 DOUE(L) n° 127 de 23/05/2018

Corrección de erros da Directiva (UE) 2016/680 do Parlamento Europeo e do Consello, do 27 de abril de 2016, relativa á protección das persoas físicas no que respecta ao tratamento de datos persoais por parte das autoridades competentes para fins de prevención, investigación, detección ou auzuamento de infraccións penais ou de execución de sancións penais, e á libre circulación dos devanditos datos e pola que se derroga a Decisión Marco 2008/977/ JAI do Consello. DOUE-L-2018-80846 DOUE(L) n° 127 de 23/05/2018

### Estatat:

Lei Orgánica 3/2018, de 5 de decembro, de Protección de Datos Persoais e garantía dos dereitos dixitais. (BOE do 6 de decembro de 2018, n° 294)(+ info)

### Autonómica

Anteproxecto de lei de administración dixital de Galicia

## Contidos

- [A protección de datos](#)
- [Ferramentas de axuda da Axencia de Protección de Datos](#)
- [Ligazóns de interese](#)
- [Preguntas frecuentes](#)

## Axencia Española de Protección de Datos

O 25 de maio de 2016 entrou en vigor o Regulamento Xeral de Protección de Datos (RGPD), que **comenzou a aplicarse o 25 de maio de 2018**.

Esta sección agrupa as diferentes iniciativas que a Axencia Española de Protección de Datos puxo en marcha sobre o RGPD, de forma que se poidan localizar con maior facilidade materiais de utilidade en relación á nova normativa.



### Administracións Públicas

- [O delegado de protección de datos nas Administracións Públicas](#)



### Guías

- [Guía Protección de Datos e AALL](#)
- [Guía do Regulamento Xeral de Protección de Datos para responsables do tratamento](#)
- [Guía para o cumprimento do deber de informar](#)
- [Directrices para a elaboración de contratos entre responsables e encargados do tratamento](#)

- [Orientacións e garantías nos procedementos de anonimización de datos persoais](#)
- [Guía práctica de Análises de riscos](#)
- [Guía práctica de Avaliacións de impacto](#)

### Medidas de seguridade

O RGPD non establece un catálogo de medidas de seguridade, que se implementarán en función da análise do risco realizado. No ámbito das Administracións públicas, incluíndo a Administración Local, é aplicable ao tratamento de datos o disposto no Esquema Nacional de Seguridade. A este respecto, pódense consultar os seguintes documentos:

- Guía estratéxica en seguridade para Entes locais
- Guía para Entidades locais de menos de 2000 habitantes.

A seudonimización pode contribuir a reducir o nivel de risco dos tratamentos. Supón eliminar aqueles datos que permitan identificar aos cidadáns, deixando accesibles aqueles datos ou información persoal que se necesita para o tratamento. Trátase dun mecanismo que oculta a identidade dos afectados pero este ocultamento da identidade é reversible e sempre poderemos reidentificar ás persoas.

## Documentos de interese

Convenio Xunta - Fegamp para a implantación da HSUE nas EELL. Protección de datos

Actualidade en torno á protección de datos e repercusión no Traballo social e servizos sociais. Malena Puñal Romarís

## Definicións

A efectos do Regulamento (UE) 2016/679 entenderase por:

1. «**datos persoais**»: toda información sobre unha persoa física identificada ou identificable («o interesado»); considerárase persoa física identificable toda persoa cuxa identidade poida determinarse, directa ou indirectamente, en particular mediante un identificador, por exemplo un nome, un número de identificación, datos de localización, un identificador en liña ou un ou varios elementos propios da identidade física, fisiolóxica, xenética, psíquica, económica, cultural ou social da devandita persoa;
2. «**tratamento**»: calquera operación ou conxunto de operacións realizadas sobre datos persoais ou conxuntos de datos persoais, xa sexa por procedementos automatizados ou non, como a recollida, rexistro, organización, estruturación, conservación, adaptación ou modificación, extracción, consulta, utilización, comunicación por transmisión, difusión ou calquera outra forma de habilitación de acceso, cotexo ou interconexión, limitación, supresión ou destrución;
3. «**limitación do tratamento**»: o marcado dos datos de carácter persoal conservados co fin de limitar o seu tratamento no futuro;
4. «**elaboración de perfís**»: toda forma de tratamento automatizado de datos persoais consistente en utilizar datos persoais para avaliar determinados aspectos persoais dunha persoa física, en particular para analizar ou predicir aspectos relativos ao rendemento profesional, situación económica, saúde, preferencias persoais, intereses, fiabilidade, comportamento, localización ou movementos da devandita persoa física;
5. «**seudonimización**»: o tratamento de datos persoais de maneira tal que xa non poidan atribuírse a un interesado sen utilizar información adicional, sempre que dita información adicional figure por separado e estea suxeita a medidas técnicas e organizativas destinadas a garantir que os datos persoais non se atribúan a unha persoa física identificada ou identificable;
6. «**ficheiro**»: todo conxunto estruturado de datos persoais, accesibles con arranxo a criterios determinados, xa sexa centralizado, descentralizado ou repartido de forma funcional ou xeográfica;
7. «**responsable do tratamento**» ou «**responsable**»: a persoa física ou xurídica, autoridade pública, servizo ou outro organismo que, só ou xunto con outros, determine os fins e medios do tratamento; se o Dereito da Unión ou dos Estados membros determina os fins e medios do tratamento, o responsable do tratamento ou os criterios específicos para o seu nomeamento poderá establecelos o Dereito da Unión ou dos Estados membros;
8. «**encargado do tratamento**» ou «**encargado**»: a persoa física ou xurídica, autoridade pública, servizo ou outro organismo que trate datos persoais por conta do responsable do tratamento;
9. «**destinatario**»: a persoa física ou xurídica, autoridade pública, servizo ou outro organismo ao que se comuniquen datos persoais, trátase ou non dun terceiro. Con todo, non se considerarán destinatarios as autoridades públicas que poidan recibir datos persoais no marco dunha investigación concreta de conformidade co Dereito da Unión ou dos Estados membros; o tratamento de tales datos polas devanditas autoridades públicas será conforme coas normas en materia de protección de datos aplicables aos fins do tratamento;
10. «**terceiro**»: persoa física ou xurídica, autoridade pública, servizo ou organismo distinto do interesado, do responsable do tratamento, do encargado do tratamento e das persoas autorizadas para tratar os datos persoais baixo a autoridade directa do responsable ou do encargado;
11. «**consentimento do interesado**»: toda manifestación de vontade libre, específica, informada e inequívoca pola que o interesado acepta, xa sexa mediante unha declaración ou unha clara acción afirmativa, o tratamento de datos persoais que lle concernen;
12. «**violación da seguridade dos datos persoais**»: toda violación da seguridade que ocasione a destrución, perda ou alteración accidental ou ilícita de datos persoais transmitidos, conservados ou tratados doutra forma, ou a comunicación ou acceso non autorizados aos devanditos datos;
13. «**datos xenéticos**»: datos persoais relativos ás características xenéticas herdadas ou adquiridas dunha persoa física que proporcionen unha información única sobre a fisioloxía ou a saúde desa persoa, obtidos en particular da análise dunha mostra biolóxica de tal persoa;
14. «**datos biométricos**»: datos persoais obtidos a partir dun tratamento técnico específico, relativos ás características físicas, fisiolóxicas ou conductuais dunha persoa física que permitan ou confirmen a identificación única da devandita persoa, como imaxes faciais ou datos dactiloscópicos;
15. «**datos relativos á saúde**»: datos persoais relativos á saúde física ou mental dunha persoa física, incluída a prestación de servizos de atención sanitaria, que revelen información sobre o seu estado de saúde;
16. «**establecemento principal**»: no que se refire a un responsable ou un encargado do tratamento con establecementos en máis dun Estado membro, o lugar da súa administración central na Unión (...)
17. «**representante**»: persoa física ou xurídica establecida na Unión que, sendo designada por escrito polo responsable ou o encargado do tratamento o represente nas súas respectivas obrigacións en virtude do presente Regulamento;
18. «**empresa**»: persoa física ou xurídica dedicada a unha actividade económica, independentemente da súa forma xurídica, incluídas as sociedades ou asociacións que desempeñen regularmente unha actividade económica;
19. «**grupo empresarial**»: grupo constituído por unha empresa que exerce o control e as súas empresas controladas;
20. «**normas corporativas vinculantes**»: as políticas de protección de datos persoais asumidas por un responsable ou encargado do tratamento establecido no territorio dun Estado membro para transferencias ou un conxunto de transferencias de datos persoais a un responsable ou encargado nun ou máis países terceiros, dentro dun grupo empresarial ou unha unión de empresas dedicadas a unha actividade económica conxunta;
21. «**autoridade de control**»: a autoridade pública independente establecida por un Estado membro con arranxo ao disposto no artigo 51;
22. «**autoridade de control interesada**»: a autoridade de control á que afecta o tratamento de datos persoais (...)

## Principios relativos ao tratamento dos datos persoais (DP)

- a. **Licitude, lealdade e transparencia**: serán tratados de maneira lícita, leal e transparente en relación co interesado ;
- b. **Limitación da finalidade**: serán recollidos con fins determinados, explícitos e lícitos, e non serán tratados posteriormente de maneira incompatible con devanditos fins; de acordo co artigo 89, apartado 1, o tratamento ulterior dos datos persoais con fins

de arquivo en interese público, fins de investigación científica e histórica ou fins estatísticos non se considerará incompatible cos fins iniciais ;

- c. **Minimización de datos:** adecuados, pertinentes e limitados ao necesario en relación cos fins para os que son tratados.
- d. **Exactitude:** exactos e, se fose necesario, actualizados; adoptaranse todas as medidas razoables para que se supriman ou rectifiquen sen dilación os datos persoais que sexan inexactos con respecto aos fins para os que se tratan ;
- e. **Limitación do prazo de conservación:** mantidos de forma que se permita a identificación dos interesados durante non máis tempo do necesario para os fins do tratamento dos DP; poderán conservarse durante períodos máis longos sempre que se traten exclusivamente con fins de arquivo en interese público, fins de investigación científica ou histórica ou fins estatísticos, sen prexuízo da aplicación das medidas técnicas e organizativas apropiadas que impón o presente Regulamento a fin de protexer os dereitos e liberdades do interesado
- f. **Integridade e confidencialidade:** tratados de tal maneira que se garanta unha seguridade adecuada dos datos persoais, incluída a protección contra o tratamento non autorizado ou ilícito e contra a súa perda, destrución ou dano accidental, mediante a aplicación de medidas técnicas ou organizativas apropiadas.

**Responsabilidade proactiva:** O responsable do tratamento será responsable do cumprimento do disposto nos parágrafos anteriores e capaz de demostralo.

### Licitude do tratamento

O tratamento só será lícito si se cumpre polo menos unha das seguintes condicións:

- a. O interesado deu o seu consentimento para o tratamento dos seus datos persoais para un ou varios fins específicos;
- b. O tratamento é necesario para a execución dun contrato no que o interesado é parte, ou para a aplicación a petición deste de medidas precontractuais;
- c. O tratamento é necesario para o **cumprimento dunha obriga legal** aplicable ao responsable do tratamento;
- d. O tratamento é necesario para protexer intereses vitais do interesado ou doutra persoa física;
- e. O tratamento é necesario para o cumprimento dunha **misión realizada en interese público ou no exercicio de poderes públicos** conferidos ao responsable do tratamento;
- f. O tratamento é necesario para a satisfacción de intereses lexítimos perseguidos polo responsable do tratamento ou por un terceiro, sempre que sobre os devanditos intereses non prevalezan os intereses ou os dereitos e liberdades fundamentais do interesado que requiran a protección de datos persoais, en particular cando o interesado sexa un neno. Non será de aplicación ao tratamento realizado polas autoridades públicas no exercicio das súas funcións.

### Dereitos das persoas



Dereitos que inclúe o RGPD para o cidadán e principais característica

Infografía: Os dereitos que tes para protexer os teus datos persoais

Protección de datos: Guía para o cidadán

**Condicións aplicables ao consentimento do neno en relación cos servizos da sociedade da información (Artigo 8)**

1. Cando se aplique o artigo 6, apartado 1, letra a), en relación coa oferta directa a nenos de servizos da sociedade da información, o tratamento dos datos persoais dun neno considerárase lícito cando teña como mínimo 16 anos. Se o neno é menor de 16 anos, tal tratamento unicamente se considerará lícito se o consentimento o deu ou autorizou o titular da patria potestade ou tutela sobre o neno, e só na medida en que se deu ou autorizou.
2. O responsable do tratamento fará esforzos razoables para verificar en tales casos que o consentimento foi dado ou autorizado polo titular da patria potestade ou tutela sobre o neno, tendo en conta a tecnoloxía dispoñible.

### Tratamento de categorías especiais de datos persoais (Artigo 9)

Quedan prohibidos o tratamento de datos persoais que revelen a orixe étnica ou racial, as opinións políticas, as conviccións relixiosas ou filosóficas, ou a afiliación sindical, e o tratamento de datos xenéticos, datos biométricos dirixidos a identificar de maneira unívoca a unha persoa física, datos relativos á saúde ou datos relativos á vida sexual ou as orientación sexuais dunha persoa física.

O anterior non será de aplicación cando concorra unha das circunstancias seguintes:

- a. o interesado deu o seu consentimento explícito para o tratamento dos devanditos datos persoais cun ou máis dos fins especificados, excepto cando o Dereito da Unión ou dos Estados membros estableza que a prohibición mencionada no apartado 1 non pode ser levantada polo interesado
- b. o tratamento é necesario para o cumprimento de obrigacións e o exercicio de dereitos específicos do responsable do tratamento ou do interesado no ámbito do Dereito laboral e da seguridade e protección social, na medida en que así o autorice o Dereito da Unión dos Estados membros ou un convenio colectivo.
- c. o tratamento é necesario para protexer intereses vitais do interesado ou doutra persoa física, no caso de que o interesado non estea capacitado, física ou xuridicamente, para dar o seu consentimento;
- d. o tratamento é efectuado, no ámbito das súas actividades lexítimas e coas debidas garantías, por unha fundación, unha asociación ou calquera outro organismo sen ánimo de lucro, cuxa finalidade sexa política, filosófica, relixiosa ou sindical, sempre que o tratamento se refira exclusivamente aos membros actuais ou antigos de tales organismos ou a persoas que manteñan contactos regulares con eles en relación cos seus fins e sempre que os datos persoais non se comuniquen fose deles sen o consentimento dos interesados;
- e. o tratamento refírese a datos persoais que o interesado fixo manifestamente públicos;
- f. o tratamento é necesario para a formulación, o exercicio ou a defensa de reclamacións ou cando os tribunais actúen en exercicio da súa función xudicial;
- g. o tratamento é necesario por razóns dun interese público esencial, sobre a base do Dereito da Unión ou dos Estados membros, que debe ser proporcional ao obxectivo perseguido, respectar no esencial o dereito á protección de datos e establecer medidas adecuadas e específicas para protexer os intereses e dereitos fundamentais do interesado;
- h. **o tratamento é necesario para fins de medicina preventiva ou laboral, avaliación da capacidade laboral do traballador, diagnóstico médico, prestación de asistencia ou tratamento de tipo sanitario ou social, ou xestión dos sistemas e servizos de asistencia sanitaria e social**, sobre a base do Dereito da Unión ou dos Estados membros ou en virtude dun contrato cun profesional sanitario e sen prexuízo das condicións e garantías contempladas no apartado 3.
- i. o tratamento é necesario por razóns de interese público no ámbito da saúde pública, como a protección fronte a ameazas transfronteirizas graves para a saúde, ou para garantir elevados niveis de calidade e de seguridade da asistencia sanitaria e dos medicamentos ou produtos sanitarios, sobre a base do Dereito da Unión ou dos Estados membros que estableza medidas adecuadas e específicas para protexer os dereitos e liberdades do interesado, en particular o segredo profesional;
- j. o tratamento é necesario con fins de arquivo en interese público, fins de investigación científica ou histórica ou fins estatísticos, de conformidade co artigo 89, apartado 1, sobre a base do Dereito da Unión ou dos Estados membros, que debe ser proporcional ao obxectivo perseguido, respectar no esencial o dereito á protección de datos e establecer medidas adecuadas e específicas para protexer os intereses e dereitos fundamentais do interesado.

« Inicio Anterior 1 2 3 4 Seguinte Final »

Imprimir

Manual de traballo, información e desenvolvemento en servizo social



© Xunta de Galicia. Información mantida e publicada na internet pola Xunta de Galicia  
[Aviso legal](#) | [Caixa de suxestións](#) | [Mapa Web](#) | [Accesibilidade](#)

Ola MAT00051,  
**Rematar sesión**